

衢州文獻集成

〔史部〕

第
56
冊

衢州文獻集成

黃靈庚 諸葛慧艷

主編

〔史部〕

第
56
冊

國家圖書館出版社

第五六冊目錄

〔雍正〕常山縣志十二卷（卷一至九）

（清）孔毓璣纂修
清雍正二年（1724）刻本

.....

思邑乘之必循國史之舊挂漏與鋪
張皆不允信然史之纂也天子開
芸閣訪求遺書逸獻職有專司罔敢
弗慎且重志則掌之邑令令或數月
或數年遷易不常當其任者營營於
刑名錢穀間卽所能吏間有慨然釐

訂者或寄耳目於廣文或借襄事於
邑士踟躕徇遂不免有或濫或缺
之弊夫一縣之財賦土田固有常額
至於人物臧否最易魚目混淆昔陳
壽作三國志謂丁儀子曰覓千斛米
當爲尊公作佳傳丁不與竟不立傳

恐三代以下不爲陳壽者鮮矣紀載
之實可易言哉孔君文章傳誦天下
其牧常山如與學校勸蠶桑申保甲
及買粟平糶濬滌溝池要地添兵諸
要務次第舉行今修輯縣志筆削自
主知我罪我一切不計卽古董狐之

筆不是過誠 先聖之賢裔也嗚呼

是足信來茲矣歲在癸卯

新天子膺歷改元已治求治不憚時食


之勤余與孔君均守牧之責此志

適成所爲相其土宜察夫民生利弊

僅輕重而因革者畧附數篇於七庶

幾俾斯民永沐浴於太平盛世也
因援筆而序之

龍飛雍正元年秋八月知衢州府事
加三級紀錄八次河西靳樹德撰



原序

予以萬歷九年春恭奉明命承乏常山信哉古所謂入暗
至也欲得縣志觀之于以知山川險易測戶口虛實晰情
俗同背識制度因革辨祀秩刑正度賦役繁簡考人才盛
衰公私求之不可得久始得一錄本乃成化三年前令
君溥與鄉先生大司寇樊公瑩所共修者也顧未甚明備
且年月已曠矣予大有意乎釐正羅葺之第在始至無
論奔走送迎搜錄逋負不暇也不數月而清丈之檄下常
舊有浮亡前令張君克文清之甫一紀爾實徵畝數反短

於舊額四之一而縮咎不在令實以常之戶口消耗因而
荒蕪瀰漫以致然爾予因人口之不理乃窮日夜躬履
近丈量而八度之纔克減其八之一則知真非張空也驗
歲事甫畢而洛水至墊溺饑饉可憐予請發倉粟五千餘
石賑救之民始賴以無死是歲又適丁十年大造黃冊之
期予爲審貧富均食里甲已而出入朝宗者踰半載於
道路又值旱荒賦之如賑水竊思文明盛時浙又人才淵
藪作養學校不可以後於他郡邑汲汲乎教兼政舉爰與
學博王君尚廉筭進諸人士而提撕之會文甫

形

乘於是鄉舉者數人會舉者又數人較之前此制
觀美乃在子身則實嗣股肱焦心累日不暇給殊未逮乎
稽古右文之舉也幸而考敘職守曉冊籍具謁院司謬蒙
許與曰汝於人民宜不必部考吾爲汝保留焉其購輿綏
此疲癯也予然後少得休暇知其爲修志嘉會矣是歲春
仲筮日時篚玄黃就鄉先生憲僉詹公謀之公縣事二十
餘年練民瘼且知予之積思於是舉也慨然設局編摩
之凡舊志之所當釐正繩葺者爛然具列無遺漉於予初
心之所似知者一搜閱悉矣以季夏末旬殺青授梓予

竊喜號興之得成也且又因得自考鏡焉曰後之視今亦
猶今之視昔三數年間其不自知而有戾於從違之規誨
者多矣是以益篤其精白改其錯履匡輔其智慮所未
逮則有大益於修己之敬也寧獨方人而已哉是爲敘明
萬曆十三年乙酉孟秋旣望臨川傅良言

原序

天下郡邑莫不有志吾常舊志乃六縣李侯溥與尚書
簡樊公瑩所共修者自成化三年迄今迨一百二十餘年
矣且無鏤本獲覩者稀臨川行所傳侯甫下車卽有志乎
是舉也乃旣奉最始用見屬筆之也聚固素奉令承教者
故不復以不敏辭始事於仲春上旬五閱月而訖工蕪者
芟之逸者登之陋者飭之訛者正之而綴尊其歲月之曠
闕者且凡建邦立邑者幅輳廣袤有大小之差焉故先表
輿地地有山川猶人身之血脉之有骨血也故以山川次之

四隕既宅則經營興焉故次之以建置裁道輔能必資於
政教故次之以職官居官守職莫先於國計故次之以賦
役既富世穀必節宣以五禮故次之以禮秩雖以禮讓爲
國然無仁賢則虛故次之以選舉物情不齊曲成有道故
以雜記終焉總下五卷將授梓當敘言於其首予惟主志
者之難有三政有體要非化成俗定未暇於稽古右文難
一也懷藏者畏索匿取者忌摘故必綜理密察顯設精白
然後肆筆矢口無所顧慮難二也方人者必自正已始惟
衡鑑素空且平斯品階富而人心服難三也

政教

處而神人和文質交修一下咸格於此蓋優爲之

舉百年之曠典無敦也而秉筆之三難萊則安能毋惑乎
惴惴懼不得當也日月稀曠問睹未真事情變更論議難
一苟諮諏弗周搜剔未盡則巧詐易蒙蔽莫撤其難在
博必辯晰精詳黼藻巨麗標獨惡於衆好灼心是於跡非
紆徐者既足以敘委曲之情峻急者又足以矯亢直之氣
其難在雅正道以行公已以議抗上品於寒門託微議於
隆位葶葭之親昵者遠弓冶之赫奕者斥弗以盜憎而縮
其舌弗以悖入而回其鋒其難在公此皆非迂愚者所能

久也其或庶幾萬一者唯公乎是以當恂恂之地而敢肆
爲便便者責所在也既公矣則雖所該未博而既及者不
敢濫加廣焉則博矣所飭未雅而既錄者不敢虛加文焉
則雅矣是亦無害於博雅也雖然迂愚者安能自知唯覽
者詳定其功罪焉是爲序萬曆十三年乙酉季夏望日範

川詹萊詩